



**Kalaallit Nunaanni Eqqartuussisarnermik Inatsisip Inatsisillu allat assigiinngitsut allangortinneqarnissaannut Inatsisissatut siunnersuummut missingiut pillugu (Politiit pillugit aaqqissuuseqqinnermik, politiinik naammagittaalliutigininninnaanermik nutaamik aaqqissuuseqqinnermik pilersitsinermik il.il. naammassinnineq) Kalaallit Nunaanni Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut.**

(Ineqarnermut, Attaveqarnermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)  
(Siullermeerneqarnera)

Demokraatit Naalakkersuisut uuminnga siunnersuuteqarnerannut qutsavigaat, Kalaallit Nunaanni politiinik nukittorsaasusaaq aammalu unnerluussisussaataasunik annertuumik aaqqissuussinermut nukittorsaanissamik siunertaqartoq.

Isumaqarpugut, pitsaalluinnartumik aaqqissuulluakkamik ineriartortitsinermut suliaasoq, aatsaat Kalaallit Nunaanni Politiinit danskit politiivinut nallersuussisusaaq. Suliaq pingaartuullunilu pisariaqartuuvoq, nuannaarutigaaarpullu Naalakkersuisut maannakkut Inatsisartuni aaliangiiffigisussanngortillugu saqqummiuummassuk.

Taakku saniatigut siunnersuutigineqarpoq nunap immikkoortuini siunnersuisooqatigiinnik pilersitsinissaaq aammalu politiit suliaat pillugit naammagittaalliutigininnissamut siunnersuisooqatigiinnik pilersitsisoqassasoq, maannakkut Politiit suliaat pillugit naammagittaalliortarfimmut annertusaatit. Nunap immikkoortuini siunnersuisooqatigiinnik pilersitsinissap siunertaraa politiit innuttaasullu akunnerminni ataatsimoorussamik soqutigisaannut siunertaqaqatigiinnut suleqatigiinnerulernissaat. Tamanna Demokraatini nuannaarutigaaarpur. Suliniutinut soqutigisanullu assigiinngitsunut ataatsimoorussamik paasinninnerup piffinni paasinnittaatsimut annertuninngortitsisarpoq taamatullu ataatsimut isigalugu inuiaqatigiinni tatigininnermik toqqissisimanermillu annertunerulersissalluni.

Pingaartorujussuuvoq, maani Kalaallit Nunaanni arajutsinaveersaassagipput, suut danskit oqartussaaffiisa akisussaaffigineraat suullu kalaallit nunatsinni akisussaaffigineripput. Tamanna una siunertaralugu, ilisimajuaannassagipput politikikkut suut isumaqatigininniutissatut pisariaqartut, kalaallit nunaanni inuiaqatigiit toqqissisimasumik tatiginartumillu nunatsinni politiit sulinerannut aallaaviusussat.

Tamanna tunngavigalugu nuannaarutigaaarpur, aaqqissuuseqqinneq una oqaasinngortinneqarmat danskit politiivisa kalaallit politiivi peqatigalugit ataatsimoorussamik suliniutaat. Ukiopassuarni amerlavallaartuni takullugillu tusaasarsimavagut assigiinngissutsit naapertuilluanngitsut naak, Danmarkip inatsisinut tunngasunik kalaallinut tunngasortaanik ilisimatitsinissaminut akisussaaffeqaraluartoq.

Taamatut oqaaseqaateqarluta siunnersuut Inatsisinut ataatsimiititaliamut suliassanngorlugu innersuupparput, pingaartumik nunap immikkoortuini siunnersuisooqatigiit atuunera nassuiaqqullugu



annertunerusumik pitsaanerusumillu nunatta immikkoortuini paasinninnissamut  
piginneqataaffigineqartussamilu pilersaarut annertusarniarlugu, inuiaqatigiit tamassuma siunertaanik  
ersarissumik paasinninnissaat peqataatinneqarnissaallu anguniarlugu.